


T5409/7920.21(15)

15

HARVARD-YENCHING LIBRARY  
HARVARD UNIVERSITY  
2 DIVINITY AVENUE

NOV 30 1966



白沙子全集卷之七

五言律詩

題新村書齋壁

日色催江渡。潮痕上石楸。趁墟村婦出。索哺襁  
兒啼。樹接黃村塢。船移白石溪。落花誰省記。何  
必武陵迷。

茅棟依巖靜。柴門斫竹通。桑榆巷南北。烟火埭  
西東。一迳漁樵入。孤村井臼同。隣家得美酒。吹  
笛月明中。

哈佛大學  
哈佛燕京  
圖書館  
珍藏印

新年

陰雨方連日。新年損物華。呼兒酌我酒。騎馬到誰家。黯黯寒雲密。蕭蕭暮景斜。人生正無賴。狼藉任桃花。

今日勝元日。江天乍放晴。呼瓶汲井水。煮茗待門生。山鳥鳴將下。桃花暗復明。所嗟人易老。况復歲華更。

朝雨黃鸝靜。春風暗蓋低。極知來令節。未肯踏深泥。狼藉桃無語。侵尋草滿蹊。還聞騎馬客。躡

躡向沙堤。

止客宿

爲恨開年雨。泥村馬跡稀。諸君能枉拜。今夕不須歸。歲酒堪投轄。人家欲掩扉。仍聞僕夫語。畏逐駿蹄飛。

暮雨客去

入郭路初暝。過橋客已勞。僕夫亦入子。馬足徇吾曹。春色歸詩妙。花枝愛酒豪。良宵只孤負。遮莫雨蕭颯。

送客

濃綠新春酒。疎紅隔水花。官人坐馬。醉江路。遶山斜。桃李成春徑。牛羊散暮沙。林泉無宿客。興盡且還家。

登陶公壯哉亭

新亭開石窟。遠勢借崑崙。天地雙眸。迴滄溟。一山吞公來席。不暖。士死廟長存。憶昔干戈際。南征萬馬奔。

是夕范生小酌

日月雙輪轉。乾坤一氣旋。是時冬始閏。細雨夜如年。人語斜風外。天機落葉邊。憑誰給燈火。更坐讀殘篇。

至容貫宅

在昔偶相遇。如今共白頭。敝衣寒露肘。破屋早知秋。家業憑觚翰。厨烟管去留。老夫如碎穀。與子入羅浮。

福童灌園

縮腕行百步。池在小橋東。抱甕雖無忝。寒衣却

米豐數畦仍待綠。十趾遂流紅。口腹終同及能。  
無愧此童。

寄胡寧壽康齋先師之甥

年華當轉鳥。詩思更塗鴉。父子皆吾友。箕裘一  
舅家。人猶思嶺北。書不到天涯。莫作妻孥計。浮  
生日易斜。

石門

白髮非公事。扁舟進此門。山雲寒不雨。江路曲  
通村。玩世吾何有。長途馬不存。晚來堪一醉。江

月照空樽

悅城

山作旌幢擁。江綰鏡面平。舟航乘曉發。雲日入  
冬晴。鼓到江心絕。槎衝石角橫。經過悅城曲。  
語笑浮生。

歲晚江上追次王半山韻

山寒綉錯寞。江曉日荒涼。水際風巾動。梅邊鶴  
屐香。低頭挈小榼。拍手笑輕航。何但供遊。而  
須此日光。

尋和拙作見示九日醉中再次奉答  
潑楚嗟難和。寬裳更可同。更闌朱鳥下。聲斷碧  
雲中。稍歇沾花雨。還次落帽風。萬松期不至。半  
偈欲騰空。

九日馬默齋送姑蘇酒至次韻奉答

姑蘇一壺酒。九日到山開。卽事焉能賦。頽齡漫  
愛杯。清風生菊徑。落日滿溪臺。酪酊藜床上。雲  
來覆老萊。

求荔枝栽貞節堂

高榜近東溟。朝光滿北楹。欲便清晝睡。須待綠  
陰橫。名木從誰假。幽居賴母成。君家多黑葉。火  
忍送雙莖。

華山飛翠

處青天外。穹然起一丘。山名疑屬我。詩景盡  
樓。九夏雲長潤。千巖翠欲流。野夫好遊走。衰  
只羅浮。

鶴

烹倒溪翁誰。人疑鳥不疑。閑將鶴起舞。不作老



無奇任病還。况酒雖慵不廢詩。悠然清唳外。一  
枕到皇羲。

吾晚病兼貧。麻衣穩稱身。朝來參兩鶴。花底作  
三人。日出東南雨。鶯啼宇宙春。三杯下衫袖。拂  
拭舊龍唇。

題羅一峯贈馬龍道南卷

花發春來少。愁添老去長。高才想傾蓋。昨夜語  
連床。天下羅公佛。湖西馬子香。離筵一杯酒。歌  
在莫相忘。

飲陂頭

入崦花叢密。遵陂石路高。柴門過午飯。村老對  
春醪。水白都如練。風清不作刀。自然五字句。非  
謝亦非陶。

吳村印莊節婦墓

豺虎何由近。風濤浩若無。行人看墓榜。英爽在  
清都。江暝雲長合。原寒草不枯。乾坤不朽事。持  
此報君夫。

此里有此墓。千年亦不磨。世方逐蔡琰。吾甚敬

曹娥淫盜死。殊色良人及逝波。江翻練裙帶。激烈有遺歌。

懷古次韻王半山

三徑五株柳。孤村獨板門。先生正高臥。衆鳥莫交喧。晉宋當時改。乾坤此老存。手中一把菊。秋色滿丘園。

相逢疎柳下。賓主兩忘言。處士乃無履。江州初到門。低頭入茅宇。散髮對金樽。長揖朱轡別。狂歌向小園。

卽事

龍溪一片水。何處是真源。沉吟搔白首。竚立向黃昏。宿鳥爭投樹。歸牛漸滿村。少年誰氏子。歌吹隔江繁。

經故居

到溪田作圃。環堵樹爲門。老憶先廬在。貧知草座溫。三遷時已後。二紀恨空存。舊事無人話。斜暉滿故園。

容琴月生孫以詩來賀之

春意復西良。孫枝茁更芳。自堪爲喜極。誰肯笑  
詩狂。竹杖還渠撰。金杯與客長。簪花垂白髮。疊  
映綠衣香。

贈何廷桂罷館歸

科頭行百里。笠影落烟霞。四十親舒卷。尋常過  
酒家。兒童非講席。鉛槧此歸槎。共待春芳發。來  
看舊種花。

贈謝德明有事赴廣還

畢嫁吾何有。勞君作犬商。釵裙是荆布。歲月勝

資粧。月動江濤白。山衰木葉黃。無錢入城府。來  
往但輕舫。

月落五仙城。天空一雁鳴。離愁動江色。歸纜解  
鐘聲。鷺應船謳起。溪尋酒幔行。經過不買醉。貧  
嗅早梅馨。

有傳羅一峯觀化

悲風何處起。散作斷腸聲。乘彼白雲去。湖西問  
死生。四海方懸仰。一峯何可傾。平生不下淚。今  
日盡沾纓。

問訊南川子。東莞林光也今牛有是非。憂為妻子地。  
 淚濕故人衣。歲晚流言惡。天涯信使稀。西風吹  
 落葉。故故傍愁飛。

四月

四月陰晴裏。山花落漸稀。雨聲寒月桂。日色暖  
 醪醕。病起初持酒。春歸尚掩扉。午風吹蛺蝶。低  
 惹乳禽飛。

生意日無涯。乾坤自不知。受風荷柄曲。擎雨柏  
 枝垂。靜坐觀羣妙。聊行覓小詩。臨階愛新竹。出

作碧參差。

風雨夜有數十客挂飯達旦不寐

老覺生涯少。貧添食指繁。雨中誰舉火。夜半客  
 推門。室暗承塵濕。階翻墜瓦喧。平明不曾睡。負  
 錫理花根。

問方自彭公上薦剡

當時尊孔孟。用世必詩書。夫我何為者。先生非  
 過歟。長歌扶晚醉。短髮向秋疎。坐惜籬前水。垂  
 竿試釣魚。

晉相合長貧。巖棲累十春。忽傳邦伯疏。見笑北  
山神。伎倆只餘子。行藏獨老親。古來稱水鑑。誰  
是鑑中人。

初秋夜

四時相代謝。已度一日秋。風吹露下葉。月照水  
邊樓。堯舜今當御。巢由竟媿幽。山靈邀夢去。昨  
夜又羅浮。

自我不出戶。歲星今十週。丹砂求未遂。綠鬢去  
難留。時節來將晚。山河值早秋。西風捲雨去。星

月滿池流

秋夢

山斗英魂在。江湖秋夢深。還將百年淚。滴破一  
峯心。絮酒熏天地。金牛恨古今。龍泉不挂墓。吾  
欲殉吾琴。

南海五千里。不來莊定山。何由到江北。此會非  
人間。短短目相勳。悠悠心自閑。莫言但是夢。好  
夢亦云慳。

夜來何所夢。洗耳白龍池。秋月下相照。天風高

自沙予全集 卷七  
自吹。永持一瓢水。細嚼萬年枝。山鬼向我拜。先生是希夷。

答惠州鄭別駕惠葛布

惠我一疋葛。縫衣笑不奢。賦詩酬別駕。愛酒典隣家。獨酌秋風裏。浩歌山月斜。醉魂不覺遠。臥採惠陽花。

世澤

世澤由來遠。何年播廣東。吾廬依外海。分派自南雄。家剩爲裘業。山餘偃斧封。千秋文物類。并

與劫灰空。

世澤由來遠。時當阨難中。長鬚躬隴畝。赤腳話兒童。骨肉危相保。干戈晚益窮。存亾一絲髮。端爲謝蒼穹。

世澤由來遠。中更幾替隆。市廛懷直道。夷險信陰功。地接華山隱。家嚴涑水翁。百年還舊物。報事亦無窮。

世澤由來遠。誰興啓迪功。今無天顏子。古有聖重腫。想像千年下。淒涼百感中。痴兒何足了。徒

只愧家風

江門墟

十步一茅椽。非村非市廛。行人思店飯。過鳥避墟烟。日漾紅雲島。魚翻黃葉川。誰爲問津者。莫上趁墟船。

中秋期友賞月遣蒼頭致餽以詩迓之

籠鵝弁榼酒。食有一金攜。寂寂慙吾子。依依向隔溪。開筵面華月。出戶望青藜。若負今宵醉。何不西山棲。

卽席賦

夕風生微涼。池塘散月光。呼兒看酒具。待客飲江鄉。月對歌筵徙。風拖舞袖長。人生行樂耳。歸棹夜相將。

盆池栽蓮至秋始花

栽種已後時。花發秋將遲。雖無女伴采。亦有山蜂知。葉稀因地力。香遠是天資。安得三閭手。臨軒賦楚詞。

秋露開炎萼。非時不遣誇。盆中玉井水。溪上春

白洲子全集 卷七 十一  
陵家酒醒涼風發。詩成缺月斜。願爲若耶叟。種  
水作生涯。

開花恨不早。花落却生愁。白露能消物。紅蓮不  
耐秋。頻來痴小女。對此淚長流。不識榮枯理。哀  
樂空相仇。

此夕不能寐。此樂殊無央。下堂步明月。月印花  
自長。涓涓花間露。夜滴池水香。但惜花月好。那  
知風露傷。

圭峯閣

勝處不在遠。杪秋何處尋。步崖碧澗。浴眠石青。  
松陰地少滄溟入。山高雁鷺沉。此時閑竹塋。誰  
識倚闌心。

庚子元旦

風日佳元日。乾坤自此春。蒸空雲氣濕。照水柳  
芽新。笑語聊供客。杯盤少對人。能寬垂老意。花  
鳥不無神。

春興

野晴花簇白。山暖樹更青。卯酒醉欲睡。午風吹



又醒。閑拈曲江句。勝讀法華經。自在山巖下。踟  
跌趣已冥。

晨起

羣雀曉啾啾。閉門春事幽。下床花到眼。招手鶴  
朝頭。永日還書卷。衰年但酒甌。醉來江柳下。笑  
引子陵釣。

早起

推枕起新晴。披衣向小明。生忘新病減。夢少風  
心清。軋軋開僦戶。粼粼殺縣更。跛奴呼具盥。旋

起遠花行

春懷次韻陸放翁

江發溶溶綠。山開面面青。春風何氣力。吹動綵  
雲亭。時物歸春雨。交游散曉星。十年江海夢。誰  
道不曾醒。

清明日往孔家山墓

舊隱經都會。佳城入孔家。春雲低拂馬。山路曲  
縈蛇。只隔飄香處。猶疑壞圃花。九原無曉夜。誰  
管夕陽斜。

春興追次後山韻

萬物各得性。天開一歲春。風柔翻弱羽。波暖躍  
纖鱗。柳初成。趣芳芹亦賞新。川雲將岳雨。何  
者不供人。

雨坐

風雨坐前楹。關關雙鳥鳴。正當落花處。更作送  
春聲。大化歸無極。斯人樂久生。不知川上水。東  
逝幾時停。

弔陳毅卿墓

微風松下起。落日照蜻蜒。絮酒知吾輩。春山憶  
毅卿。由來都大夢。終寄一浮萍。極目蒼岑外。波  
濤滿地生。

蓬萊山祭伍光宇墓

道骨成仙蛻。名山是閩丘。雲中騎款段。天上叫  
鞦韆。人世黃梁熟。三儕白髮秋。仍留一杯酒。何  
處酌金牛。

樹穴蘊

樹穴疑生理。花開不記年。靈根那藉土。芳氣直

白雲子全集  
卷七  
十五  
薰天瘦比食步  
矯但蒼然

老清於辟穀仙平生誰得見雲

天托千尋樹  
金琴聲南極峯  
求贈若爲情

其托此生春風卷騷怨秋月照  
起東溟水一橫所棲非近地持

家兄攜棗

常看山予病不能往

行色千崖裏風  
詩上好鳥簧爲  
惜遠追從

光三月中山家愁酒少造物愛  
韻新花錦作叢吾能騎瘦馬不

龜山小

隱賀聶清碧新居

瀕海地三畝連  
龜山笠屐誰同  
此照衰顏

雲廈數間龜山愛清碧清碧愛  
往江湖我自閑芙蓉小溪水曾

山下別業

豕脚有濡濡乾  
歸遲家累無多  
未羨鷓夷

坤胡適隨看雲因坐久抱甕得  
山生涯但一陂歸哉五湖樂吾

弄孫

畫棟三重簷。曠曉雀穿一兒臥。我膝一兒坐。  
奴肩風日秋逾美。詩書老未傳。二雛當慰我。  
賞獨悠然。

戲贈都老

蔡坑黃野舟。獨坐小園幽。被命為都老。傾心向  
縣侯。萬家春且至。一紀俗全偷。莫倚無言化。須  
君九借籌。

韋夫人挽

兩山先生配  
詔之母也

人生如朝露。死亦同蛻蟬。有子能如詔。夫人可

以仙。春臺花灼灼。秋浦月娟娟。喚醒何州夢。歸  
來淚迸泉。

次韻何宗濂

灑落儀曹句。遺名得自求。如何行不顧。膠向漆  
中。段無事由來。得多言大抵浮。結趺樗木下。卽  
此是良謀。

至東臯家

遠樹晴堪數。孤雲暝欲遮。自憐江海迹。能到友  
生家。落日圓江色。輕風動麥花。相看吾鬢白。不

必問年華

金洲石

在玉

舟楫公餘日。金洲不少留。中流幾丈石。明月五湖秋。日擊金山寺。春來白鷺洲。西風從此去。幾日到羅浮。

弔李九淵

水竹更新主。風花失故權。夜臺無起日。春草自流年。萬有終歸盡。千秋不必傳。例巾此相對。只有玉臺山。

古柳寄周京

西來何處水。千里不平流。入海魚龍喜。懷山草木愁。雨邊明落日。石角上孤舟。寄語周京道。勞生不自由。

德慶州舟中呈伍南山

江漲麻墟雨。大低德慶城。正當擊楫處。空有挂帆情。入夏尋雙井。沿流到七星。同行鄒道士。勸我學長生。

德慶賦 歷年大永舟行不由故道

客路一千里。平腸八百盤。時時行樹杪。往往望  
人間。竹篔簹。江嶼。稀衣入峽寒。倚門應盡日。誰  
與報平安。

和尚石

舟楫行天上。斜暉卷浪花。迴流忽吞吐。鳴櫓逐  
嘔啞。便可通星漢。還堪著釣槎。雲根僧一個。疑  
我不架漿。

南歸寄鄉舊

家在桃源裏。龍溪是假名。蕉衫溪女窄。木屐市

卽輕生。酒鱗魚膾邊。鱸蜆子羹行。窩堪處處只  
少邵先生。

居士舊茅齋。蕭然倚玉臺。獨尋寺裏去。每到日  
西回。魚躍水萍破。風推巖戶開。小橋殘板在。長  
訝有人來。

省事除煩惱。端居養靜虛。栽花終恨少。飲酒不  
留餘。山徑兒吹笛。村田婦把鋤。殷勤謝問里。勝  
事莫相疎。

碧草東西埭。黃鸝遠近山。巖春花氣足。簷日鳥

聲開文字虛。堆几園林不設關。一條烟際路朝  
往暮來還。

江邊逢野叟。叉手問官名。立雀黃牛近。衝魚白  
鷺腥。西田餘故宅。北崦多新塋。馱馬斜陽外。悽  
然感廢興。

山童呼犬出。狂走信諸孫。乳鴨爭嬉水。寒牛不  
出村。墟烟浮出杪。田水到桑根。僂叟忻相遇。笑  
談忘日曛。

自愛愚公谷。誰過野老家。時依當戶竹。閑數上

倚花鳥立溪。槎靜牛爭崦。路斜懷中嬌。小女學  
語解呼爺。

紫水圍沙北。黃雲古剎東。樓吞滄海日。幔卷玉  
臺風。物色求鍾鼎。丹砂訪葛洪。芙蓉開十丈。天  
際白龍宮。

出處有分付。將非人所能。君看飛鳥輩。誰不顧  
高騰。放意三杯酒。留情半夜燈。韋丹非俗吏。靈  
澈自高僧。

沙渠風日美。井水愛羣兒。花落鸞猶語。春歸蝶

白沈子全集 卷七  
未知惜芳心。未已高咏社公祠。四序每如此。獨  
憂無乃癡。

春興

野鳥飛窓靜。春蘿補屋穿。時時嚙花氣。翳翳傍  
林園。山鳥日暮至。長鳴芳樹煙。喚醒陶令醉。驚  
覺華山眠。

社西村

孤村比屋靜。踈竹小塘幽。何處還三徑。如公也  
一丘。晚川行布狗。春草散鞦韆。汲澗誰家女。金

櫻插滿頭

結茅依里社。村以社西名。客至惟談稼。年衰不  
入城。隣雞上樹宿。水鶴傍人鳴。向晚尋牛去。前  
岡笛又轟。

君家里社。西我家里社。東平分社。公雨不隔馬  
牛風。瓜地妻能種。衣巾俗與同。雲邊采芝逕。高  
盡玉臺峯。

社王對諸。并居廬散百烟。其來鄉社會。同樂  
帝堯年。折花朝淺屐。吹笛月隨船。偶尋社西去。



又賦社西

社西逢酒

并。東。北。有。花。枝。詎。識。愚。公。意。聊。同。牧。豎。嬉。園。基。公。掩。久。瘦。馬。板。橋。遲。袖。有。葦。蕪。草。還。

家不告饑

卜築真何

意。施。為。但。自。由。鄉。音。還。社。阮。家。業。且。

陂頭野老

眠。看。客。山。童。坐。飲。牛。無。生。知。樂。否。更。

為問骷髏

寄馬默齋

山陰元有

興。畫。舫。在。須。登。閉。閣。思。君。子。開。門。覓。

老僧騎驢

山。路。穩。挂。席。海。波。騰。揣。度。安。危。事。如。

公恐未能

倒。載。輕。駟。駕。徒。行。謝。衆。扶。無。錢。欺。老。杜。失。策。問。

長鬚山雨

盡又何如

月坐

林。深。月。到。遲。愛。月。坐。成。癡。平。生。不。戚。戚。衰。老。尤。

嬉。嬉。曾。西。甲。管。仲。孟。子。述。宣。尼。何。事。由。求。輩。區。

區欲有為

懷古

千里拜林宗。行藏未始同。諸賢皆好義。夫子獨  
詩中。東漢非劉氏。西山是閩風。堂堂四百載。載  
籍為誰空。

讀西涯李學士撰趙員外滄江別墅記

江空秋月清。月出秋江明。水月自相得。乾坤誰  
與爭。作亭趙員外。屬記李先生。何時理烟艇。載  
酒下南京。

思親堂

父子自天性。誰能詠蓼莪。聲容想如在。風木悲  
奈何。草露滴秋隴。庭鳥號夜柯。思親兩眼淚。萬  
古注江河。

送鄭巡檢休官還莆

平棲一枝足。鴻舉入雲層。大鵬非斥鷃。斥鷃非  
大鵬。卑高各有適。小大不相能。歸去木蘭溪。溪  
魚美可饜。

懷古

皇皇復皇皇。開闢到陶唐。蓬日注山麗。春風

草香閭闔盡。孝弟簡冊無。禎祚乾坤十二會。午在中央。

寄容一之

直以傭爲業。何妨睡作魔。吟詩終日少。飲酒一生多。坐久頭鳴籟。行遲脚有鵝。林居三十載。室小維摩。

萬松草屋

南山愛夫子。夫子愛南山。孤鶴去千載。萬松棲半間。無愁催白髮。有藥駐朱顏。夜半風雷作。龍

來問大還

畏途千百轉。回首見諸山。若個幽求子。結茅松樹間。希夷歸華頂。黃綺在商顏。分我青精飯。從君亦不還。

寄太虛上人

太虛石洞居。孤絕少人依。遠客攜琴至。逢師食歸一。蒲青早上四。面白雲飛盡。日無言說。巖花落滿衣。

定山聊作主

石洞更無隣。勸我無多事。如公是

一入朝聞履。虎尾莫見批。龍鱗莫笑揚。朱小湯。朱解愛身。

九日寄丁明府

病裡登高意。村邊社樹蒼。有歡開酒禁。無力按詩狂。老鬢花。骨醜秋襟水。照涼如何丁明府。不肯共重陽。

菊節後五日丁明府彥誠齋酒來飲白沙社賦補會

秋色上籬尖。天高霜氣嚴。對花無阿堵。笑我似

陶潛節去杯盤在。公來吏隱兼。江門賦補會。話無窮年。

此日還供酒。人情若一亦難。暫隨明府醉。斷送菊花。越市明秋日。臨流弄晚竿。遙憐張闔幕。相憶在夫。

百里非。東鄰不惜人。因君九日愛。傾此一。杯春。人而世。閒酒處身。想無厭花意。我

種菊不置。每金每。顧餘古今。計較俄頃。失  
歡。張西。廖高。堆粟。樓賸貯書。路旁揚柳。樹顛  
頽不成。

秋

皎皎月。又。鮮鮮菊。可收。汀雲迷島嶼。山雨落  
扶留。市有屠牛。机江連邏吏舟。恐無賒酒處。垂  
白對清秋。

陳方伯耻庵挽詩

乾坤如此老。沒齒向斯文。公有滄溟水。人無

辨君衣冠全素履。江海挹清芬。病起須持酒。青

山欲刊墳。

中年倦俯仰。上疏乞山林。黽勉南州牧。逕回北  
歸心。民蒙三日雨。世病一鈞金。殄瘁聲悲處。龍  
蛇歲首。

三

揮手書。靜心雨。未來手提弱絲。去風撼社  
明。馬脂。馬。吾欲臥。返  
照。

白

三

脫衣急去清承露。人煩拄杖綠溪足。看潮到  
柳。柳在溪前。東看西望。一卷病眸昏。六月飛雲冷。相  
思只。思只。

倪耒

水國秋先至。江村晚更幽。泥筇收郭索。山網落  
輜。輜涼入社門樹。吟以連渡口舟。獨憐經略地。吾  
得放歌遊。

居常輓出戶。宵到社西頭。海國諸峯暝。乾坤六  
月秋。微涼生浦樹。泛照下西樓。今夕蒲團上。前

山更風遊

崔清獻公裔孫潛示遺芳卷復許示遺像  
予既書紀夢之作於其還也贈之詩

積雨階苔上。經旬斷履痕。誰爲門下客。公是菊  
坡孫。澤與菴風遠。名因避相尊。丹青遺像在。何  
日照江門。

太夫人晚歸攜諸孫候於貞節橋下

寒花明菊。暝色欲歸潮。未愁山路黑。莫放板  
車搖。毫釐入事兒孫候。此橋殷勤望四。掩風

急暮雲

延緣看落日。伊軋到漢西。下路依回轉。垂蘿拂  
益低。喜從中道見。痴教小兒啼。報恩心何極。坤  
聖壽齊。

枕上偶成

翰苑無官府。蒲團了歲年。巖雲交樹白。水月印  
沙圓。懶甚陶元亮。閑於魏仲先。吾曹生分薄。於  
福敢求全。

梅村詩次韻黎雪青

梅村梅發早。已過賞花期。玄酒初無味。名家造  
在詩。井寒人及少。川暝鳥飛早。高枕滄溟者。神  
仙定不疑。

次韻秋興感事錄寄東所

醉眠山影裏。恨不與君同。松下泉來冷。雞鳴日  
過中。就床梳白髮。開戶納清風。起視滄溟暮。孤  
鴻沒遠空。

秋露落芙蓉。川山日不同。物情詩卷裡。天道雨  
聲中。朝出馬。暮行船。逆風欲投雲。各隱

海上賢空

崑崙一池水

也與銀河同問子為誰氏從師向

此中短樂非

世集破笠是家風回首唐虞際淨

雲點太

首陽非立

下不妨同歲月黑甜外乾坤軟

飽中腐儒

而食烈士死長風今古誰能計賢

愚併一空

得林子逢書感平湖事賦此次前韻

平湖千里水

浣濯與誰同咄咄語癡表冥冥一

夢中支離

深歲月感極極秋風點檢希顏處吾

瓢合屢空

同人未為失子不善為同宦况浮雲外生涯大

驚中孤篙撐急水弱羽試衝風佛者空諸有吾

儒亦有空

與梁文冠

鉛槧誰分竹聞君有義方紙田須樂墾畫果豈

堪嘗得雨化蹊潤隨風鳥韻長公來詩不少排

日兩三章



與客

客訪貧家。少連旬幸作東。笙簧都萬籟。俎豆亦  
千峯。冠帶迎人懶。情懷傍酒濃。白頭君莫笑。醉  
袖舞春風。

四月廿七日五鼓起索衣往來房戶間失  
脚仆地傷面咎在不謹然亦衰年久病氣  
弱無力之驗也為詩以自悼

脛骨衰無力。顛危剛莫支。少年非一蹶。今日獨  
多悲。形模甘老醜。面日對人疑。呼兒教滌血。不

恐報慈闈

風捲芭蕉雨。南窓夜擁衾。人當懲樂正。我已媿  
曾參。一一觀天命。時時動此心。林間子規鳥。那  
更助悲吟。

寄張進士廷實

是詩難入俗。正坐不雕鐫。水滿魚爭躍。花深蝶  
喜穿。日高雲臥處。春在鳥啼邊。不及陳無已。能  
無賞台然。

秋中寄興同前感事韻錄寄東所兼呈雲

谷老隱一笑

山人無外事。白首稚兒同。弄水溪堂背。爭棋紙  
局中。盆池秋見月。竹院夜呼風。觸事成唐句。狂  
歌向碧空。

借伍

伯饒楊伯順。甥舅順德李。子長遊李

村山

遊走意何窮。天樞日夜東。青山都老脚。破笠又  
春風。逕草分遙碧。巖花墜小紅。乾坤渾欲別。何  
處問壺公。

晝睡偶

成寄玉臺文定上人

老脚春還短。名山夢每登。玉臺天上寺。文定意  
中僧。得法伏藏鉢。傳心信有燈。道人北窓下。一  
枕一曹騰。

春日書

事

開年今日雨。疎柳小塘春。紫燕將歸社。黃鸝欲  
喚人。未明東  
村白酒新。南嶺選日聘西賓。元亮朝朝醉江

春日江

村

時候花先發。  
呼兒蔓草花。

陰晴鳥自知。登山嫌避客。得句樂  
香徑垂楊覆淺漪。美人期未至。江

月幾盈虧。

草帶籬腰綠。

花簪石頂紅。林園開畫景。鶯燕語

春風山靄重。

霏合江流渺渺東。獨來橋畔路高

在過看筇。

驛吏送

酒

帝盍通郵吏。

三杯洗侍兒。十分春意思。一副酒

肝脾。江嶺長

看畫風花不盡詩。混然天地內。公

是醉鄉誰。

春日醉

中言懷

山林亦朝市。

朝市亦山林。兩鬢白於舊。三杯狂

到今。子雲休

擬賦。元亮已忘琴。南山千丈石。可

以明我心。

古人不可比。

空見古人心。春風開我鏡。流水到

誰琴。無說子

得後。何才敢議今。玉臺花信少。扶

以更西林。

與客等

詞

風雅餘三。唐音僅幾家。夢猶將影說。癢莫隔  
靴爬。豈是生拚得。胡爲孟浪誇。超然不到處。忘  
是用心。

雨中念世卿在還

助談風滿。伴宿月流。貧賤交游冷。江山脚  
跡深。惠連何處夢。孟母此時心。稍歇松齋雨。還  
來辨繡針。

得林憲副待用書有懷故友張兼素

蹇蹇張兼素。從君致匪躬。天來今日定。書展故

人封。賈傅生還慟。湘纍死亦忠。平生兩行淚。萬

里寄秋風。

寄容貫圭峯

西峯扶策上。病骨快新涼。乞米分僧飯。聞香過  
梵堂。閉門秋竹靜。語鳥暮鐘藏。浩浩蒲團上。還  
同在醉鄉。

落日荒臺上。疎松古塔邊。身休論出世。趣欲到  
無絃。峯閣初生月。渠通自到泉。西菴憑借問。許  
任過幾年。

江村晚望寄世卿圭峯

一望一延緣。諸山進目前。鄉邦無一老。知舊半重泉。黃葉寺旁下。白雲池上連。無窮幽澗水。日夜注東川。

贈黃進士廷章還京

錦衣在親旁。飲酒日百觴。樂處嫌春短。離心向夜長。青雲冠蓋起。黃甲姓名香。五色持文綫。千年補舜裳。

白雀羣飛益高

取勢翩翩上。江空暮雨餘。情輕鳩並婦。聲細雁呼奴。白雪灑孤嶂。青天開一圖。安能隨蚱蜢。跳躑在泥塗。

得林別駕書云去秋九月嘗夢予於廣信舟中兼示道路所聞

潦倒年斯邁。芳菲日自遲。忽聞天上夢。又落世間疑。扛鼎須憑力。無才敢與知。涪翁亦秋思。謾寄穎濱詩。

重過大忠祠

宋有中流柱三人吾所欽。青山遺此廟，終古厭人心。月到厓門白，神遊海霧深。興亡誰復道，猿鳥莫哀吟。

春陰偶作寄定山

浩浩川流疾，冥冥嶺樹陰。共憐春錯莫，更覺老侵尋。宿雨衰花氣，朝陽絕鳥吟。誰能盡天道，俛仰此懷深。

次韻寄廷實

吾猶堪起倒，吾肯謝親賓。在世寧須此，如公故

可人。百年應得見，一而若能親。獨向湘江去，無忘越嶺春。

無才備作吏，有酒喜留賓。老更耽高臥，時還近俗人。鐘鳴山寺遠，月出上床親。何處期吾子，笙歌玉洞春。

築室

垂老無筋力，寧非板屋人。居常只謾過，卽事益知貧。海國秋風早，山房夜氣新。癡兒解了事，吾坐養吾真。

空無多事。貧家每作難。從來無厚積。况復不能慳。貸粟于知友。營材入遠山。三間開土閣。所得奉慈顏。

送景易赴秋試

未達窮通理。難忘得失心。安能謝朝市。且莫厭山林。烹鼎須兼味。吹竽當好音。文章無定價。教帚不論金。

圖新書舍懷世卿別白沙半月

月上齋垣白。疎梅共主。其偶來對月飲。不見如花人。已覺書難至。常疑夢與親。海山猶在眼。何處却逢春。

龍眼

龍眼何年種。嗟嗟舊主人。卑柯今蔽日。腐骨已成塵。春雨沾花足。秋蟲食實頻。流形非木石。費脚半搔銀。

始聞秋風作

西風中夜起。天地始肅清。白雁霜前意。玄蟬露下聲。幽人亦何事。版築初經營。何時登此閣。坐

望羅浮征

題容氏輓冊

中秋悲蹟掃。秋思忽依依。此夜月還照。何年鶴始歸。猿啼新宰木。巷納舊簑衣。大塊終同爾。誰能駐落暉。

梅花

山竹深深逕。梅花淺淺塘。清冷朝弄影。芬馥夜浮香。瘦骨交撐月。橫梢吐過牆。啄英終與德。靈鳳或來翔。

探梅非探梅。梅花滿玉臺。北風吹盡日。疎雪點荒苔。色得乾坤正。精成造化胎。無人知老子。剛坐一牛來。

何處尋梅好。羅浮海上春。樹環鐵橋盡。地與葛仙隣。煉藥香生鼎。板崖影落身。西湖千頃水。未洗往來塵。

彼美枝頭雪。微韜嶺上雲。低迷明月寺。掩映葛洪墳。北海罇能倒。西湖地索分。幽香偷未得。衫袖細氤氳。



手種梅千樹。山寒半欲花。歲闌知此意。溪上問誰家。素豔明爭雪。青蘿倒縮蛇。還須邵康節。來駕白牛車。

逐客

笛聲且莫哀。逐客過江隈。還到此邊去。盡因何事來。著書多在篋。遇酒輒銜杯。莫言生意盡。寒雨濕枯荄。

得張主事廷實書

十口雖無累。三年不易更。春雷轟冷問。枯木鬱

官情。長夜鄉心切。何時會計成。登高望東海。到眼是蓬瀛。

新涼欺老臂。索被過殘更。月到思君處。書通在客情。有家寧免累。作吏轉難成。日踏皮鞋破。思量舊閭瀛。

三口丘園舊。離羣跡半更。幾時重見面。中夜獨馳情。眠食今何似。頭顱尚可成。定山名教頂。賀老却登瀛。

持燭圭峯寺。宵談僕屢更。一爲方外友。都沒世

間情面壁僧猶在。栽蓮社未成。孤舟破危浪。載月下東瀛。

次韻寄潘時用

文章豪自寄。丘壑靜還更。久病依人世。長貧慙婦情。  
辰婦岳氏嘗止辰赴秋試人為知己惜。天與後生成。更約齊州外。從吾泛大瀛。

久雨

樹隱雲深黑。籬崩水亂流。凌風快燕子。上壁定蝸牛。老更憐兒病。人多為草憂。朝朝稽叔夜。誰

辦不梳頭。

用韻寄姜進士仁夫

書愛八分小。來書喻率更。雲霄初接武。江海尚留情。世事非難料。人才怕小成。諸賢須汲汲。吾老獨觀瀛。

用韻寄林緝熙平湖

秋懷耿不寐。更靜復聞更。水向漫漫注。心含種種情。士應強到底。官豈怠將成。舊業羅浮外。東南望隔瀛。

用韻 劾寒山

貧賤耻爲拙。富榮常好更。高論古今事。中懷名利情。堂堂無復見。小小或能成。浪說神仙在。從來不住瀛。  
四郊多竊盜。村裏夜支更。爲語長官道。能無患盜情。家家愁日暮。處處望秋成。饑饉飽倉粟。苦海變蓬瀛。

贈劉程鄉別

蕭菴今又別。酒醒望圭峯。秋色此溪樹。暝烟何處鐘。功名悲夢蝶。文字耻雕蟲。故里荒墳在。歸來拜一峯。

病疥用後山韻寫懷

癢極肌難忍。爬深血有稜。老親今就枕。小婢問留燈。屋漏頻推瓦。床搖屢束藤。同袍誰問疾。端愧玉臺僧。  
呻吟不盡漏。夕枕傍慈幃。安得身長健。朝朝見絲衣。無膚臂奄赤。乍腫臂疑肥。睡過西廊月。寒空淡不輝。

缺月生殘夜。微風引洞簫。心閑髮少白。人老病  
難消。出戶行看月。移舟釣落潮。酒錢不拄杖。著  
處解奴腰。  
病枕愁更永。籠燈對夜長。千年無鮑叔。一懶有  
柴桑。兒請栽瓜地。妻評作麩方。花時呼酒伴。醉  
斝出扶牆。

贈黎蕭二生別

白髮孤燈坐。青春二妙來。若無天地量。爭得聖  
胚胎。至樂終難說。真知不着待。濛濛烟雨裏。紫

思若爲裁。

野坐

團蓋青松午。重裊綠草春。野晴鶯得意。花盛蝶  
傷神。斷靄生西塢。殘潮下暝津。竹根酣其臥。不  
覺蘚沾身。

梅花

世傳詠梅句。天下共稱奇。花有無言妙。人間都  
未知。正嗟同賞絕。又過半開時。安得邵康節。爲  
我問庖羲。

風月交游淡。江山几席閑。夜深花睡去。時有夢  
來還。引步尋香易。無心弄影難。乾坤留此妙。何  
處覓孤山。

謝客

客舫初辭岸。主翁仍。在床。十年今轉。數一飯。故  
難償。竹杪風生汗。天邊雨送涼。所思。士叔度。歲  
晚得同常。

漾漾湖侵岸。蕭蕭風引旗。問兒打鼓處。是客發  
船時。鬻履時將暮。迎門俗久衰。祇應巢許輩。掩

口笑人癡。

寒雨中作

有期久不至。旦旦問童奴。雨過荆扉濕。風回樹  
葉疎。興移剡溪舫。詩在灞橋驢。風韻今誰繼。千  
年勝事虛。

喜梁文冠至

駐槩梅村夜。風光勝早春。直知花是路。不覺月  
隨身。草木皆知舊。江湖多賤貧。短蓑來往數。等  
是最閑人。

白雲子全集 卷七  
雨中栽竹

心被清虛引。非關索竹看。檐前纔數個。淇上已  
千竿。微雨土初覆。北風天正寒。昆丘有狐鳳。何  
處喙琅玕。

楚雲臺呈世卿

三杯拈鐵盞。見月上瑤臺。初弄山石裂。再轟仙  
鶴來。夜闌試靜聽。曲罷仍遲回。何必揚州去。前  
村多美醅。

行窩還幾處。雲水且吾臺。雨脚風吹斷。潮頭月  
湧來。野橋牽木渡。沙徑逐牛回。亦有採樵者。放  
歌行負醅。

有月巖光瀨。無金郭隗臺。悠悠百年。以又見一  
人來。水濫秋逾好。山雲暝欲回。相逢各心醉。一  
語淡春醅。

爽氣通秋服。溪流靜晚臺。高樓多自憚。眞賞復  
誰來。對月詩方妙。看山夢始回。市沽堪便醉。况  
乃是家醅。

寄吳明府同世卿遊玉臺

圭峯雨初霽。策馬向松關。流泉忽滿澗。白雲長在山。棄置千般事。來投半日閑。上方禪榻靜。坐到暮鐘還。

生日答吳明府獻臣

生日何人記。南枝報長官。酒香同客醉。花少避人看。後甲惟元祀。浮生又五寒。凭軒一長嘯。風日滿江山。

尋梅飲李鴻宅用服周韻

今晨風日佳。策杖去尋梅。獨樹山中老。危枝石上開。時看殘臘盡。人望早春來。誰解忘情得。神功付此杯。

贈世卿別

客路經南岳。湘帆背岳開。江湖閑老夢。歲月是君來。相見兒童喜。別離琴瑟哀。惟應楚雲外。更起望仙臺。

豈無千日酒。花下與君同。客思朝臨水。歸旗夜

引風。一樣當浦口。謂莊一枕在遼東。謂賀何事

今爲別。藤葉還贈公。世卿乞予藤葉贈之

贈世卿遊山

萬丈崑崙頂。冥棲憶老關。君看白龍水。何似黃公山。有酒終日醉。無官到處閒。南風乃何意。又送楚舟還。

朝來生紫氣。此地一函關。帽頂花沾雨。雲中人下山。相逢欲大笑。不語是真閒。晚向東亭醉。猶能騎馬還。

世卿將歸

會有還鄉意。深慙不自量。母留兒作伴。妻爲客

求漿。臺榜明朝旭。松堂閉夜涼。延緣過殘夏。滿意泛瀟湘。

與君雲水別。何夢得商量。合是真調鼎。能忘老賣漿。還山非早計。舉棹是秋涼。有路通衡岳。無詩弔楚湘。

贈饒鑑

君又去東津。東津月送人。周游千里道。細問百年身。野色淡將暝。江桃疑是春。丹青如可贈。盡我小崑崙。



梅花

草木自有性。湖山更乞靈。冰霜仙骨瘦。桃李世情腥。惹袖香全別。和羹子未青。未須携鐵笛。吹月上湖亭。

喜何竹窓重過白沙詒舊贈之

此君為別久。不逐衆芳彫。白葛身已老。青雲即獨超。春風吹細浪。落日泛輕橈。楚雲有高樹。未肯挂公瓢。

憶年四十許。公第立如山。行止相料理。漁樵共往還。餘情空耿耿。秋鬢各斑斑。不是公憐我。清顏誰更攀。

聞林緝熙初歸自平湖寄之

短世淵明醉。長愁子美調。高情誰復爾。久別公如何。淡月初出浦。好風來颺蓑。買田滄海上。耕亦不須多。

張地曹寄林縣博用韻答之

無心雲自在。得意鳥同譌。白骨可人醉。杜詩古人不飲令心哀蒼生如命何。漁樵真有道。烟水別

傳蓑想見滄溟外。東南月更多。

安得李太白。樽前同爾誦。自從識象罔。未始離  
無何。草長遊人路。風鳴桂樹叢。東鄰古大嫂。揜  
口笑何多。

和子長民澤論詩寄興羅浮之作

飛雲干老夢。拉作騁遙臨。揮手謝人世。聞歌生  
我心。今年春又過。何處洞還深。相憶山樓暮。依  
依向遠岑。

再用韻示諸生

賢聖低回久。千年想一臨。希顏非樂道。疑孟失  
求心。逸駕行應速。寒泉汲務深。嘗聞根本學。不  
盡泰山岑。

贈李司訓別

江門雲水地。不絕往來交。已恨栽花晚。寧辭抱  
甕澆。月疑窓下枕。風語樹頭瓢。精舍明朝別。何  
時還見招。

再次寫懷

孤形將影任一臂。與誰交矯矯。志欲競棲棲。習

恐澆江山一得手風月盡歸瓢始覺逍遙外人  
間未易招

代簡畬府尊林先生慶老母生日

有母年齡暮逢辰喜懼深多儀安敢却揣分故  
難任錦段拈香拜仙醅洗觥斟獨慙非節孝未  
了百年心

秋坐碧玉樓

造次中秋過商量九日來詩將秋景淡菊共老  
人開時節陶潛醉江山宋玉哀平生滄海意不

受白鷗猜

山中猶遠志小草已人

間

近得東白先生書在山遠志出山小草故

及不是無經濟誰能斷  
往還江魚肥入饌霜橘  
綠堆盤問我心何任紅  
藤拄杖端

碧玉架雲端朝朝倚玉  
看時情膏火裏世事奕  
棋間古榻多便靜華簪  
不博閑籬根散髮醉又  
對菊花斑

夢楊敷道定山事

夢語者爲誰湖西舊見之聊寬野老意未了定

白沙全集 卷七  
山疑貧病吾猶是多愁俗豈知百年將滿日心  
亂不成詩

九日嘉會樓登高

引步下前除兒扶杖亦扶會於何處勝客有去  
年無天道常流轉園林又變疎暫留賞今日醉  
莫看茱萸

兼有吟詩病何妨著酒扶景逢佳處少句向覓  
時無醉去乾坤小醒來伴侶疎今朝嘉會會不  
盡看茱萸

半酬壺矢折又減兩三扶九日江門有千年粟  
里無山形當晚瘦腳跡向秋疎問我登高去都  
忘菊與萸

溪邊菊一區溪竹兩相扶草木從吾好風霜殺  
此無閑同元日醉浩笑一生疎試問干雲檜何  
如小泝菑

楚雲臺觀民澤所栽菊寄民澤用作九日

韻時民澤還五竿未返

當軒玉盃亦植竹翠莖扶香細風初動神清俗

本無寒深溪井澗勇出山瓢疎何處異鄉客永  
懷歌菜重

野菊吟寄子長再次

野菊生何處尋香杖偶扶孤標猶訝絕佳色舊  
知無老弄真成獨秋來不作疎金樽誰九日引  
滿對茱萸

吳明府送菊次韻答之

黃菊有名花淵明無酒官酒多人自醉花好月  
同看老未厭人世天教其歲寒未應攜不去高

步蓬萊山

答周潮州萬里

今代潮州守濂溪是一門乾坤吾道在歲月此  
心存行次天邊路書投海上村夕愁空對望風  
雨暗高負

王逸按見訪

嶺南惡略地枉史不謀身料理安危事更張交  
武皇風行光動草寒極正開春傾蓋江樓暮  
杯勸故人

書題小園岡書屋和民澤韻

四野雲飛盡圓岡一室清至虛元受道真隱或  
逃名有疏微言塞無爲大業成一聲聞絕唱五  
岳齊全

劉少泰見寄次韻奉答

西川一杯不爲我浣詩塵身落滄溟遠心將翰  
墨親江樓以見客野徑別藏春十郡停車地千  
峯擊壤民

贈李世卿

楚客復歸楚青山此送君往來十年破精力半  
生分著意當時見留情異代聞若非真有見何  
處謝浮雲

三尺短春蓑山風吹薜蘿人材非管樂吾道本  
丘軻送老諸名岳全生一病窩相思憑寄語路  
打祝融過

落日蒼梧望清風發棹謳楚山正西上江水自  
東流作伴春攜酒談詩月滿舟洞庭看未透更  
上岳陽樓

題黃公釣臺

小小離人意，羊裘却未工。今人多白眼，爲我謝黃公。  
弄釣浮沉見，登庖撥刺空。浩歌泉石裏，况有古人風。

曉枕示湛雨龔曰高

二千六百丈，脚底是飛雲。悠悠四十年，欲往念徒勤。  
多謝紅藤子，扶吾還數君。鐵橋問何如，見景勝於聞。

萬年如一瞬，莫問我浮生。風雨將秋至，山河截月明。  
語簷幽鳥樂，對竹小童清。夜夜湘江夢，與君何日行。

再和曉枕寄廷實

仰見雙白鶴，高飛入紫雲。苟無脫俗意，安用看山勤。  
好句能傳我，幽期敢後君。異時鐵橋詠，莫遣世人聞。

萬在皆有復，左車不復生。西風今夜起，朗月四山明。  
夫馬非常步，鐵橋相伴清。去去莫復顧，衡山頂上行。

曉枕再和

平生老黃石引望空白雲無人知感激爲我盡  
殷勤何處尋吾契名山訪道君洞天三十六步  
步聲相聞

外生卽非死胡爲樂久生去來大化內俗眼未  
分明我壽元無極君才亦太清五峯南斗上何  
日踏歌行

中秋

平樓時穩步身虛欲翩翩明日秋始半中天月

最圓武昌書未返督府句堪傳衡岳那能去  
浮何處烟

廣冥天自然浮雲任飄翩隨時有憂樂與物無  
方圓酒底月未咽水中神莫傳去年今夜艇吾  
欲破湘烟

彭司寇挽詞

男子固多奇如公更不疑經綸思昔日功業問  
當時鬼幸村巫小棋還國手知杜陵秋月下興  
盡八哀詩



侃侃亦聞聞。行違榜要津。鳥還江上暝。人老世  
間春。祿盡休言命。愁多不爲親。武夷最高處。東  
望一沾巾。  
斗氣空遺劍。牀登不照琴。春懷不自得。老病忽  
相尋。事在浮雲夢。山餘宿草心。平生孺子意。絮  
酒一何深。

題雲津書院太和劉氏

雲津杳何許。試向卷中尋。不覩六經教。空餘百  
代心。嵩陽思識面。白鹿尚遺音。家有鴛鴦譜。何  
須更問針。

春日寫懷

水際尋芳去。花枝隔水新。可憐今日望。不是向  
來人。紫袖垂垂下。黃鸝樹樹春。東風天外至。南  
岳夢中身。

一觴復一曲。不覺夕陽殘。好景我只醉。春風人  
未開。青紅今滿路。風日未登山。何如海中鳥。鼓  
翅蓬萊間。

贈周文都

君行無日矣。奈此別離何。道遠書難寄。年衰病  
更多。行行慎自愛。浩浩不同波。若見東山北。微  
言其琢磨。

贈黃希顏春試

北風雨如注。是底別離時。黃色眉端動。青雲足  
下馳。兒童酣世豢。國士醒心期。去去江流疾。還  
君一贈詩。

詩罷懷白洲先生

山東無近耗。白洲時爲山東左方伯海上立斜暉。童子

牛去漁翁罷釣歸。登舟人欲別。周文都赴會試將行見月

鳥還飛。何限相思意。千峯獨掩扉。

贈丁一桂

初日照甘棠。千門一炷香。南風催返棹。西壑欲  
沾裳。有廟旌遺愛。無金歸故鄉。未知忠定者。先  
請問崇陽。

奉寄筠巢翁

昔別筠巢叟。如今是幾年。華巔將望百。碧玉屢  
添年。寥寥千古下。望望五峯前。何日扶溪棹。還

來別老仙。

鄧御史公輔寄新刻陳君舉論孟古義復以是詩

兩漢非三代。人才逐世低。市朝多畫虎。文字笑醯雞。古義昭昭對。終篇短短題。不因歐六一。爭得見昌黎。

張綱

漢廷張御史。何事便埋輪。欲作千年計。都忘一個身。堂堂見意氣。默默愧經綸。却恨程明道。焉

青失寫真。

吳節婦

江山逢此會。真地作光輝。路轉扶溪北。山來越嶺西。春光流聖澤。明月照霜帷。碧玉遙相賀。雲中臥賦詩。

汪海北訃至

西所今亾矣。皇穹肯不仁。眼中還見此。天下豈無人。海濶書頻至。神交夢亦真。人間秋半後。回首一沾巾。

白沙子全集 卷七 五  
誠至通金石。乾坤正惜君。懷沙人不見。修古恨  
空聞。歿世能千載。還山但一墳。海山今夜月。空  
照水中雲。

望望白泮水。滔滔碧玉流。白頭聞有是。傾蓋忽  
相投。天柱峯常在。神龍雲正浮。悲歌掩圖畫。淚  
落不能收。

雄滿襟。淚不灑兒女胸。窮愁當盡夜。浩歎起  
秋風。幾點星初落。千峯日未紅。高樓慵引望。興  
盡一宵中。

至道本在可身正惜有懷沙人不見修古恨  
空聞世能千載遠山但一境海山今夜月空  
照水中雲  
望白洋水酒酒看玉流白頭聞有是傾盃忽  
相投天柱峯常和神龍雲正淨悲歌掩關盡淚  
海不能乾  
蓬浦滄浪不渡兒女歸窮愁當盡夜清歡起  
我馬幾時坐初落千峯日未和山樓情引空興  
正宵中



